



OTVORENI POZIV ZA APLIKACIJE LOKALNIH INICIJATIVA MLADIH

SMJERNICE ZA APLIKANTE

Naziv projekta: Regionalna platforma za dijalog i učešće mladih Balkana

*Civil Society Facility
Operating Grants to IPA CSO Associations
Support to regional thematic associations
- četvrta godina projekta
Ugovor br: 2017/391-600*

Rok za podnošenje aplikacija: 11.06.2018. do 17.00 sati

O pozivu

Evropska asocijacija za lokalnu demokratiju – ALDA (www.alda-europe.eu) u partnerstvu sa sedam Agencija lokalne demokratije na području Zapadnog Balkana i ALDA Makedonija, implementiraju projekat “Regionalna platforma za dijalog i učešće mladih Balkana” (<http://www.alda-balkan-youth.eu>) u okviru Civil Society Facility – Operating Grant to IPA CSO Associations, kroz podršku Evropske unije.

Ovaj Operativni Grant ima za cilj da podrži rad Agencija lokalne demokratije u zemljama Zapadnog Balkana, za doprinos efikasnijem uređenju regionalne tematske saradnje i koordinacije između civilnog društva i javnih vlasti iz ciljanih zemalja za poboljšanje okruženja za aktivizam i učešće mladih, a posebno mladih sa smanjenim mogućnostima. “Lokalni fond za inicijative mladih” predstavlja program finansijske podrške u okviru ovog projekta koji će biti obezbjeđen putem Agencije lokalne demokratije Mostar, a u cilju podrške lokalnim inicijativama neformalnih grupa mladih i organizacija mladih u Gradu Mostaru.

Opći cilj ovog poziva za projektne prijedloge je poboljšanje i razvoj participativnih omladinskih politika i lokalne demokratije u zajednicama Zapadnog Balkana putem podrške inicijativama mladih za jačanje aktivnog građanstva i participaciju mladih na lokalnom nivou.

Prioritetna tema poziva za prijedloge projekata: Namjera Lokalnog fonda za mlade je da pruži podršku prijedlozima projekata koje jačaju različite forme učešća mladih, i svaka godina će imati različitu prioritetnu temu, koja će predstavljati dodatnu vrijednost za projektne prijedloge koji je ispune. Prioritetna tema poziva godine 2018. je: Edukacija za aktivno građanstvo namijenjeno omladinskim grupama.



Očekivani rezultati:

- Ojačani kapaciteti mladih (neformalnih grupa mladih i organizacija mladih) iz ciljanih zajednica za aktivno građanstvo i učešće u životu njihovih lokalnih zajednica, posebno u procesima donošenja politika i odluka;
- Povećano uključivanje mladih sa manjim mogućnostima u lokalne aktivnosti koje promovišu učešće mladih;
- Povećan fokus javnih vlasti u ciljanim zajednicama na potrebe mladih u procesima donošenja politika i odluka;
- Promocija EU standarda aktivnog građanstva za postizanje jednakosti, tolerancije i bogatstva različitosti.

Prihvatljive aktivnosti koje mogu biti podržane u okviru ovog poziva:

- Aktivnosti koje podržavaju osnaživanje mladih i socijalno uključivanje marginalizovanih grupa mladih
- Aktivnosti koje promovišu dijalog između mladih i lokalnih institucija i/ili lokalnih vlasti
- Aktivnosti promovisanja učešća mladih u donošenju odluka i politika na lokalnom nivou
- Akcije zagovaranja i lobiranja u korist boljeg položaja mladih u lokalnoj zajednici
- Aktivnosti koje podržavaju učešće mladih u provođenju lokalnih socijalnih, ekonomsko razvojnih ili kulturnih politika
- Aktivnosti za podršku promociji ljudskih / manjinskih prava u lokalnoj zajednici, interkulturalnog dijaloga i razumijevanja
- Akcije koje podržavaju kulturno učešće i interkulturalni dijalog među mladima

Vrste aktivnosti:

- Izgradnja lokalnih kapaciteta i aktivnosti podizanja svijesti za podršku učešću mladih
- Organizacija lokalnih javnih događaja, debata, radionica, seminara;
- Provođenje istraživačkog rada i lokalnih anketa;
- Stvaranje proizvoda koji promovišu učešće mladih—izložbe, film/video materijali;
- Unapređenje interkulturalnog dijaloga;
- Promovisanje međugeneracijskog dijaloga i solidarnosti
- Akcije promocija socijalne kohezije i inkluzivnog razvoja.

Prihvatljivi aplikanti:

- Formalne i neformalne grupe mladih između 16 i 35 godina (minimalno 5 mladih mora biti aktivno uključeno u pripremu i implementaciju projekta) koji imaju prebivalište u opštini u kojoj je poziv objavljen.
- Omladinske neprofitne i nevladine organizacije koje okupljaju mlade između 16 i 35 godina s područja Grada Mostara.



Lokacija

Sve aktivnosti se moraju realizovati na području Grada Mostara.

Trajanje projekta

Planirano trajanje projekta ne može biti kraće od 1 mjesec niti duže od 3 mjeseca. Projekti moraju biti implementirani najkasnije do 30.11.2018.

Sredstva:

Ukupan raspoloživi iznos za ovaj poziv Lokalnog fonda za inicijative mladih je 2.000 eura za svaku zajednicu, odnosno 16.000 eura ukupno. Svaki dodijeljeni finansijski doprinos pod ovim pozivom mora biti u okviru sljedećih minimalnih i maksimalnih iznosa koji će biti dodjeljeni po projektu:

- Min.: 500 EUR
- Max.: 1.000 EUR

Projektni prijedlozi dostavljeni od strane neformalnih grupa mladih biće finansirani u ukupnom iznosu od 100%, dok se sredstva dodjeljena omladinskim organizacijama po ovom pozivu moraju nalaziti između minimalnih i maksimalnih postotaka ukupnog troška akcije: minimum 90% - maksimum 95% ukupnog troška aktivnosti.

Svim dodjeljenim grantovima će upravljati LDA Mostar kao jedna od dvije ugovorne strane.

Kako se prijaviti?

Prijedlog projekta mora da sadrži:

- 1) Aplikacioni formular
- 2) Kopiju rješenja o registraciji aplikanta
- 3) Kopiju statuta aplikanta

Prijedlozi projekta treba da se dostave na sljedeću e-mail adresu: info-point@ldamostar.org prije 11. Juna 2018. do 17.00 sati.

Rok za podnošenje projektnih prijedloga je: 11.06.2018. godine u 17.00h

Nakon podnošenja prijedloga dobićete potvrdu o prijemu. Sve organizacije treba da popune predloženi aplikacioni formular. Aplikacije koji ne zadovolje minimalne standarde navedene u smjernicama za apliciranje neće biti razmatrane.

Odgovore na pitanja svi potencijalni aplikanti mogu dobiti do 1. juna upitom na e-mail: info-point@ldamostar.org



Kriterijumi za evaluaciju:

Evaluacija kvaliteta prijava, uključujući predloženi budžet, biće naknadno izvršena u skladu sa kriterijumima za evaluaciju prikazanim ispod. Kriterijumi dodjele će omogućiti izbor aplikacija koje ugovorni organ može prihvatiti u skladu sa svojim ciljevima i prioritetima poziva. Kriterijumi pokrivaju djelove kao što su relevantnost aktivnosti, njihova usklađenost sa ciljevima poziva za projekte, kvalitet, očekivani uticaj, održivost i ekonomičnost.

Bodovanje:

Kriterijumi su podjeljeni u sekcije i podsekcije. Svaka podsekcija će biti bodovana između 1 i 5 prema sljedećim vrijednostima: 1 = vrlo loše; 2 = loše; 3 = dovoljno; 4 = dobro; 5 = vrlo dobro.

TABELA ZA EVALUACIJU	
SEKCIJA	Maksimalan broj bodova
1. Relevantnost projekta	25
1.1 Da li je projekat relevantan u odnosu na ciljeve i prioritete poziva	10
1.2 Da li je projekat relevantan za mlade u lokalnoj zajednici (da li je planiran i implementiran od strane mladih koji žive u zajednici)	5
1.3 Da li projekat ohrabruje učešće veće grupe mladih, ne samo članova udruženja mladih/neformalne grupe ili direktnih korisnika	10
2. Efikasnost i izvodljivost	30
2.1 Da li su predložene aktivnosti prikladne, praktične i dosljedne sa ciljevima i očekivanim rezultatima?	10
2.2 Da li je plan aktivnosti jasan i izvodljiv?	5
2.3 Da li prijedlog sadrži provjerljive indikatore rezultata aktivnosti?	10
2.4 Da li je nivo partnerstava ostvaren na nivou projekta i učeće u partnera implementaciji zadovoljavajući?	5
3. Održivost	25
3.1 Da li će projekat imati vidljiv efekat na ciljane grupe?	10
3.2 Da li će projekat imati efekat širenja?	5



3.3 Da li su rezultati aktivnosti održivi? - Finansijski (<i>kako će se aktivnosti finansirati nakon završetka fonda?</i>) - Institucionalno (<i>Hoće li strukture koje omogućavaju nastavak aktivnosti koje će biti uspostavljena na kraju projekta imati lokalno "vlasništvo" nad ishodima</i>) - Na nivou politike (gdje je primjenjivo) (<i>kakav će biti strukturalni uticaj akcije - npr da li će dovesti do poboljšanja zakonodavstva, kodeksa ponašanja, metoda, itd</i>) - Ekološki (ako je primjenjivo) (<i>Ako je akcija imati negativan / pozitivan uticaj na životnu sredinu</i>)	10
4. Budžet i opravdanost troškova	20
4.1 Da li su aktivnosti prikladno predstavljene u budžetu?	10
4.2 Da li je odnos između troška i rezultata zadovoljavajući?	10
Maksimalan ukupan broj bodova	100



Balkan regional platform for
youth participation and dialogue



The Project is funded
by the European Union